



ODBOJKAŠKI SAVEZ BOSNE I HERCEGOVINE
VOLLEYBALL FEDERATION OF BOSNIA AND HERZEGOVINA
Affiliated in FIVB



P R A V I L N I K
za licenciranje članova klubova Premijer lige BiH
za takmičarsku 2023/2024. sezonu

Sarajevo, juni 2023. godine

Na osnovu člana 46. Pravilnika o takmičenju u OS BiH, Upravni odbor OS BiH na sjednici održanoj 30.06.2023. godine, donio je

P R A V I L N I K
za licenciranje članova klubova Premijer lige BiH
za takmičarsku 2023/2024. sezonu

Član 1.

Za svaku takmičarsku sezonu klubovi članovi Premijer lige BiH moraju izvršiti licenciranje članova kluba.

BROJ LICENCIRANIH ČLANOVA JEDNOG KLUBA

	MAKSIMALNO	MINIMALNO
1. Za odbojkaše-ice	25	12
2. Za trenere	4	2
3. Za statističare	2	1
4. Za ljekare	2	1
5. Za fizioterapeute	2	-

Licenciranje se neće obaviti ako nisu ispunjeni svi uslovi po Pravilniku.

Član 2.

Termin za licenciranje u redovnom roku je od 15.08. do 01.09.2023. godine.

Učesnik u takmičenju može dobiti licencu samo za jednu dužnost u klubu. Izuzetno licenca se može dobiti za odbojkaša-icu i trenera istovremeno.

Učesnik u takmičenju ne može biti licenciran u (za) dva kluba istovremeno.

Član 3.

DA BI SE IZVRŠILO LICENCIRANJE ČLANOVA KLUBA U REDOVNOM ROKU, KLUB JE OBAVEZAN U KANCELARIJU SAVEZA DOSTAVITI:

1. U 2 primjerka popunjen, potpisan i pečatom kluba ovjeren formular FL-01 - OSNOVNI SASTAV KLUBA ZA LICENCIRANJE;
2. Popunjen, potpisan i sa fotografijom (zalijepljenom), formular F-TL – TAKMIČARSKA LICENCA za svakog člana kluba pojedinačno;
3. Na uvid ovjerene važeće TAKMIČARSKE LEGITIMACIJE za odbojkaše-ice;
4. Dokaz o obavljenoj FIVB anti-doping edukaciji;
5. Za članove kluba-strane državljanke dokaz o obezbjeđenoj radnoj dozvoli u BiH.
6. Za trenere dokaz da ispunjavaju uslova iz člana 44. Zakona o sportu BiH (ovjerenu kopiju diplome o završenoj visokoj ili višoj školi ili dokaz o statusu vrhunskog sportiste).

Pod pojmom vrhunski sportista podrazumijeva se bivši odbojkaš-ica osvajač medalja na olimpijskim i paraolimpijskim igrama, svjetskim i evropskim prvenstvima, u konkurenciji seniora-ki, juniora-ki i kadeta-kinja.

U takmičarskoj 2023/2024. sezoni, zbog činjenice da značajan broj klubova nije u mogućnosti obezbjeđiti trenere koji ispunjavaju uslove iz tačke 6. ovog člana, od ukupno licenciranih trenera najmanje jedan u cjelosti mora ispunjavati uslove propisane Zakonom o sportu BiH.

Licenciranje u redovnom roku oslobođeno je takse.

Da bi klub mogao dostaviti naprijed navedenu dokumentaciju za licenciranje članova kluba u redovnom roku, a direktor takmičenja OS BiH mogao izvršiti licenciranje potrebno je da klub u potpunosti izmiri finansijske obaveze prema OS BiH, OS RS i OS FBiH.

Oslobađenje od takse za licenciranje ne odnosi se na odbojkaše-ice koji se iz

neopravdanih razloga nisu odazvali na pripreme i nastup odbojkaških reprezentacija po pozivu selektora i u redovnom roku iznosi 200,00 KM.

Član 4.

Pravo na licenciranje u toku takmičenja imaju članovi kluba definisani članom 46. Pravilnika o takmičenju OS BiH, treneri, statističari, ljekari i fizioterapeuti, ukoliko već nemaju licencu za neki drugi klub i odbojkaši-ice koji nisu licencirani u redovnom roku za licenciranje, a imaju važeći ugovor sa klubom za koji se licenciraju.

Član 5.

DA BI SE IZVRŠILO LICENCIRANJE ČLANOVA KLUBA U TOKU TAKMIČENJA, KLUB JE OBAVEZAN U KANCELARIJU SAVEZA DOSTAVITI:

1. U 2 primjerka popunjen, potpisan i pečatom kluba ovjeren formular FL-02 – DOPUNSKI SASTAV KLUBA ZA LICENCIRANJE;
2. Popunjen, potpisan i sa fotografijom (zalijepljenom), formular F-TL – TAKMIČARSKA LICENCA za svakog člana kluba pojedinačno;
3. Na uvid ovjerene TAKMIČARSKE LEGITIMACIJE za odbojkaše-ice;
4. Dokaz o obavljenoj FIVB anti-doping edukaciji.
5. Za članove kluba-strane državljanke dokaz o obezbjeđenoj radnoj dozvoli u BiH;
6. Za trenere dokaz da ispunjavaju uslova iz člana 44. Zakona o sportu BiH (ovjerenu kopiju diplome o završenoj visokoj ili višoj školi ili dokaz o statusu vrhunskog sportiste).
7. Dokaz o uplati „TAKSE ZA LICENCIRANJE“ u skladu sa ovim Pravilnikom. Visina takse je 40,00 KM po licenciranom članu kluba i mora se uplatiti prije licenciranja.

Visina takse za odbojkaše-ice koji se iz neopravdanih razloga nisu odazvali na pripreme i nastup odbojkaških reprezentacija po pozivu selektora je 200,00 KM.

Licenciranje članova kluba u toku takmičenja obavlja se najkasnije dva dana prije termina utakmica stalnih takmičenja u OS BiH.

Član 6.

Licenca se izdaje za takmičarsku sezonu navedenu u zahtjevu za licenciranje.

Izdavanje licence za učesnike u takmičenju strane državljanke obavlja se do datuma važenja sertifikata i radne dozvole, odnosno onog dokumenta čiji je rok važenja kraći.

Dokumentacija o licenciranju učesnika u takmičenju stranih državljanke čuva se u dokumentaciji OS BiH 4 (četiri) godine i čine je: ugovor klub odbojkaš-ica ili klub-trener, dokaz o prijavi boravka i radna dozvola (orginal ili ovjerena kopija).

Klub je odgovoran za obnovu licence ako ista istekne tokom takmičarske sezone i za regularnost učešća u takmičenju učesnika kojima licenca istekne.

Član 7.

STORNIRANJE IZDATIH LICENCI VRŠI SE:

1. Automatski prilikom prelaska odbojkaša-ice u drugi klub u posebnom prelaznom roku ili na zahtjev kluba,
2. Automatski prilikom izdavanja saglasnosti odbojkašu-ici za odlazak u inostranstvo,
3. Automatski istekom posebnog ugovora o ustupanju odbojkaša-ice,
4. Na zahtjev kluba ili izricanjem zabrane nastupa saglasno aktima Saveza,
5. Za trenere, statističare, ljekare i fizioterapeute prije licenciranja za novi klub, uz dostavljanje do tada važećih licenci.

Umjesto stornirane licence može se izvršiti licenciranje drugog odbojkaša-ice, trenera, statističara, ljekara i fizioterapeuta u okviru predviđenog broja u članu 1. Pravilnika.

Član 8.

Izdavanje licenci za članove klubova Premijer lige BiH obavlja direktor takmičenja OS BiH.

Direktor takmičenja OS BiH neće izdati licencu odbojkašu-ici, stranom državljaninu ako njegovoj registraciji nije prethodilo evidentiranje i saglasnost za registraciju od strane kancelarije OS BiH. Licenciranje se neće obaviti za domaćeg odbojkaša-icu koji uz sertifikat OS BiH nastupa u inostranstvu i u slučaju kada se vraća u matičnu federaciju – OS BiH ako njegov povratak nije obavljen preko kancelarije OS BiH saglasno Pravilniku o registraciji.

Član 9.

Sastavni dio ovog Pravilnika su obrasci:

1. Osnovni sastav kluba za licenciranje (FL-01);
2. Dopunski sastav kluba za licenciranje (FL-02);
3. Takmičarska licenca (F-TL).

Član 10.

Kancelarija OS BiH vodi evidenciju-registar izdatih licenci po takmičarskim sezonama. Ova evidencija je trajnog karaktera.

Član 11.

Tumačenje ovog Pravilnika daje Upravni odbor Saveza.

Član 12.

Pravilnik stupa na snagu danom donošenja, a primjenjivat će se za takmičarsku 2023/2024. sezonu.

Član 13.

Stupanjem na snagu ovog Pravilnika prestaje da važi Pravilnik usvojen na sjednici Upravnog odbora OS BiH broj: 01/1-249/22 od 20.07.2022. godine.

Broj:01/1-208/23

Datum, 30.06.2023. godine

PREDSJEDNIK
Milutin Popović, s.r.